

u Kajke budu to wólby?

Serbski sejm ma so w listowych wólbach wólic, druha forma wotuma njeje předwidžana.

u Maja wone zakonski zaklad?

Ně, iniciatiwa za legitimowane ludowe zastupnistwo Serbow wobhlada je jako wuraz samopostajowanja. Kaž piše, su jej statoprawnicy wobkrućili, zo so wólby zakonjam a wustawje njespěčiweja.

u Hdy so wólby wotměja?

Wólbná doba kónči so sobotu, 3. nowembra 2018, w 10 hodź. Hač do toho termina maja wólbne podložki registrowaných wolerjow – wólbny lisćik a hosowanski lisćik – w jednacelnji być.

u Kak zestaja so z prawólbow wuchadźacy přeni Serbski sejm?

Jemu přisłuša dwanaće hornjoserbskich a runje telko delnjoserbskich zapóslancow. Wuzwoleni budu čí kandidaća z najwjaće docpětimi hłosami.

To zajimuje wolerjow

u Što smě wólic?

Wólbokmany/wólbokmana je kóždy Serb a kóžda Serbowka ze stačanstwom Zwjazkoweje republiki Němskeje, kotryž/kotraž je na posledním dnju listowych wólbow znajmjeńša 16 lět stary/stara.

u Što dyrjbu wobkedźbować, chcu-li so na wólbach wobdźelić?

Wuměnjene za wobdźelenje je, zo je wólbokmany we wólenskim zapisu registrowany. Wo to dyrbiće so požadać, štož je možno po třoch pučach: 1. postališce, hdyž požadanski formular z wólbneho flajera wupjelniće a jón do jednacelnje sćełće. Adresa rěka: Wólbny wuběr do Serbskeho sejma, Hłowna 9, 01920 Njebjelčicy; 2. z e-mailku na wolbny-wuberk.serbski-sejm@mailbox.org z online-formularom, přistupnym w internete pod www.serbski-sejm.de; a 3. hdyž so we wobłuku regionalnych informaciskich zarjadowanjow iniciatiwy do tam wupoložených wotpowědnych lisćin zapisaje. Registracija jako woler/wolerka je možna hač do 27. oktobra 2018. Telefoniske požadanje je wuzamknyjene.

u Kotra pomoc je za zbrašených wólbokmanyh ludźi předwidžana?

Woni móža so wot wosobinskeho přewodźerja/wosobinskeje přewodźerki podpěrać dać.

u Směm próstwu wo zapisanje do wólenskeho zapisa tež za dašu wosobu zapodać?

W tym padže dyrbiće z pisomnej potnomocu dopokazać, zo sće k tomu woprawnjeni/woprawnjena.

u Kotre wosobinske daty mam za registraturu jako woler/wolerka podać?

Třebne su swójbne mjeno, předmjeno, narodniny a přizjewjena bydłenska adresa wólbokmanje wosoby, kaž su wone

Štož měli wědžeć wo prawólbach Serbskeho sejma

1. meje započa Iniciatiwa za demokratise legitimowane zastupnistwo Serbski sejm swój sydomydpkowy plan wo narodnym wozrodženju zeskutkownjeć. Přeni dykp su prawólbny serbskeho parlamenta. Na Krabatowym swjedženju w Čornym Chołmju je nawoda wólbneho wuběrka dr. Hagen Domaška wólbnu namotwu wozjewił. Wólbny porjad zepěra so hłownje na tón wólbow braniborskeje Rady za naležnosće Serbow z lěta 2014. Serbske Nowiny dažta tu přehlad, na čo měli wolerjo a kandidatow namjetowace cyłki dźiwać.

Wólby za přenje serbske ludowe zastupnistwo

Serbski sejm 2018

Lubi bratřa a sotry!

Iniciatiwa za demokratise legitimowane zastupnistwo Serbow a Rada starostow namolwjetej Was, zo byšće ze swojeje srjedźizny pomjenowali kandidatow a kandidatki za přeni parlament, zo byšće so zapisać dali do wólenskich lisćinow a zo byšće sobu wollili. Wšitke informacije k tomu namakaće na zadnjeje stronje info-lojpena.de.

Z tym stajimy zhromadnje wuhibli za samopostajenje přichod našeho ludu. Sejm ma zaměr, samopostajowanje w kulturnych a kubłanskich prašenjach zmóžnić, winowatosć samozamotliwosć přewzać a z tym naš dońt sam do rukow wzać.

Hornjoserbski wólbny flajer je swojski produkt iniciatiwneje skupiny
Reprodukција: Serbske Nowiny

u Što ma so na požadanskim formularu nimo toho hišće wobkedźbować?

Na kóždy pad dyrbiće jón podpisać. Napisać móžeće dale telefonowe čisło abo e-mailowu adresu, tak ma wólbny wuběr w padže prašenja spěšny zwisk k próstwarje. Štož wotpohladuje k wólbam Serbskeho sejma nastupić, njeh nakřižkuje wotpowědny kašćik.

u Hdy zhonju, zo sym jako woler abo

wolerka registrowany/registerowana?

Poprawom z dochadom póstoweje poštyki z wólbnyimi podložkami. 20. awgusta 2018 zawru lisćinu kandidatow. Potom budu wólbne podložki rozesłane.

u Mam skladnosć, swoje registrowane daty přeprowować?

K tomu rěka we wólbnyim wozjewjenju: „Kóžda wólbokmana wosoba ma prawo, wot 14. hač do 18. oktobra 2018 stajnje w času wot 16 do 18 hodź. pra-

wosć swojich, do wólenskeho zapisa zapisanych datow přeprowować a w datym padže abo přez wozjewjenje k napisanju zapodać spěčiwenje přeciwo wólenske-mu zapisej.“

Wo nominowanju kandidatow

u Što smě za Serbski sejm kandidowac?

Kandidowac smědža wšitcy Serbja a wšitke Serbowki, kotřiž/kotrež su so we wólenskim zapisu registrować dali a su na posledním dnju listowych wólbow 18. žiwjenske lěto zakónčili.

u Što kandidatow namjetuje?

Kóžde w swojich wustawkach k serbskim zaměram wuznawace a wotwarstwo móže hač do dwanaće jednotliwych wólbnych namjetow zapodać. To móža Domowina a wšitke pod jeje třěchu skutkowace cyłki być, ale tež třěšnemu zwjazkej njepřisłušace, kaž na přikład Serbske ewangeliske towarstwo.

Samsne prawo namjetowanja maja tež daše zajimowe skupiny, hdyž swoje serbske naležnosće pomjenuja a potwjerdžaja, kaž na přikład založby, kulturne institucije, młodžinske kluby, rozmołwne kruhi, wosady a nabožne organizacije, stromy, sportowe abo wědomostne zjednoćenstwa.

Za jednym wólbnyim namjetom stej přeco jenož jedna konkretna wosoba.

u Móžu tež jako ze serbstwom zwjazany jednotliw kandidat namjetowac?

To njeje možno, princip delegowanja zepěra so na towarstwa a zwjazki z wustawkami abo na zajimowe skupiny.

u Kajka je procedura nominowanja kandidatow?

Towarstwa a zajimowe skupiny wuzwoleja swojich kandidatow we wobłuku zastupstawskeje abo delegatnje zhromadźizny po swojskich prawidłach. Při tym je wažne, zo pomjenuja za kóždeho namjetowaneho kandidata wosobu dowěry a zastupowacu wosobu dowěry. Jednu tajku móža za wjacore jednotliwe wólbne namjetje samsneho cyłka jako wosobu dowěry abo jeje zastupjerki pomjenować.

u Za čo je wosoba dowěry třebna?

Wona resp. jeje zastupjer/zastupjerka zaruči zwisk mjez wólbnyim nawodu a kandidatom/kandidatku. Rjadowanje je podobne tomu w komunalnowólbnyim prawje. Wuměnjene za wosoby dowěry resp. zastupowace wosoby dowěry je, zo maja za wólby registrowane być.

u Hač do kotreho datuma dyrjba jednotliwe wólbne namjetje wólbnemu nawodźe předležec?

Termin je pónđzělu, 13. awgusta 2018, w 16 hodź.

u Što wo přizwolenju kandidatow rozsudži a jich mjena zjawnje wozjewi?

Wólbny wuběr rozsudži najpóźdžišo 20. awgusta 2018 wo přizwolenju jednot-

liwych wólbnych namjetow. Wólbny nawoda wozjewi rjad kandidatow w internete pod www.serbski-sejm.de kaž tež w jednacelnji jako wupoložku.

u Je rjad kandidatow na hosowanskim lisćiku alfabetiski?

Ně, wo rjadze kandidatow na hosowanskim lisćiku rozsudži los, kotryž wólbny nawoda čehnje.

Wo listowych wólbach

u Što wosahuje poštyka z wólbnyimi podložkami?

Za listowe wólby dóstanje kóždy registrowany woler/kóžda registrowana wolerka poštyku z wólbnyim lisćikom, wólbnotlistowej wobalku, hosowanskim lisćikom a wobalku za hosowanski lisćik.

u Kak hosowanski lisćik wupada?

Wón wosahuje mjena jednotliwych wólbnych namjetow a informacije wo nich, dźělene po hornjoserbskim a delnjoserbskim wuznacu.

u Kelko hosow směm rozdawac?

Rozdać maja so na kóždym hosowanskim lisćiku maksimalnje tři hłosy za hornjoserbskich kandidatow a runje tak maksimalnje tři hłosy za delnjoserbskich kandidatow. Kedžbu, sće-li jednemu kandidatej resp. kandidatce wjac hač jedyn hłos dal/dała, plaći to jenož jako jedyn wotedyty hłos.

u Je hosowanski lisćik tež plaćiwý, hdyž su jenož hornjoserbscy abo jenož delnjoserbscy kandidaća z postajenej maksimalnej ličbu hłosow woznamjenjeni?

Haj, hosowanski lisćik je plaćiwý.

u Jak po swojim wotumje z hosowanskim lisćikom wobchadžam?

Wupjelny hosowanski lisćik tky njecje do za njón předwidžaneje wobalki, kotraž ma so na to zalepić.

u Kak po swojim wotumje z hosowanskim lisćikom wobchadžam?

Wupjelny hosowanski lisćik tky njecje do za njón předwidžaneje wobalki, kotraž ma so na to zalepić.

u Što na wólbnyim lisćiku podpisam?

Wólbny lisćik wobkrući, zo sće swoje wólbne prawo wužiwali. Na formularje podpisaje předčišćanej zawěšćeni nastupajo wólbokmanosć a listowe wólby a podaje k tomu datum.

u Dokal wólbnotlistowu wobalku sćelu?

Zawrjenu wobalku z hosowanskim lisćikom a podpisany wólbny lisćik položće do wólbnotlistoweje wobalki. Tež ju začiniće a pósćelće sčasom na jednacelnju wólbneho wuběrka do Serbskeho sejma, Hłowna 9, 01920 Njebjelčicy. Waš wólbny list dyrbi najpóźdžišo sobotu, 3. nowembra 2018, w 10 hodź. tam być. Wólbne listy, kotřež pozdžišo dońdu, njebudu za zwěšćenje wólbneho wusłědka hižo wužiwane. ■ Axel ARLT

Daše informacije nańdžeće w internete: www.serbski-sejm.de/hs/z-kandidatom-stachtml a www.serbski-sejm.de/hs/pokiw.html